

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 181. Num Hæretici quoque in Germania & Romano Imperio
subjecti sint pœnis temporalibus & corporalibus hucusque enimeratis.

[urn:nbn:de:hbz:466:1-73982](#)

Jo. And. n. 8. § 9. Eymer. p. 2. direct. q. 40. n. 5.
 Menoch. l. c. à num. 156. Suarez. de fide. d. 23.
 Econtra affirmant Archid. Gemin. Franck. ad cit. c.
Accusatus. Mandos. Penia. Decian. &c. ex ea ratione,
 quod abjurans quamlibet Hæresim tacitè
 abjuret omnes, quia abjurat recessum à divina re-
 velatione per Ecclesiastica proposta, qui in omni
 Hæresi includitur, promittitque tacitè, se ab Ec-
 clesia non recessurum, ob quam rationem, ait Ca-
 strop. n. 13. hanc opinionem sibi apparere omnino
 probabilem. Limitat tamen pro casu, quo quis
 prius de Hæresi vehementer suscepimus etiam abjur-
 at, & dein incidit in aliam diversæ speciei, eò
 quod prior illa abjuratio fuerit generalis, secus ac
 accidit, si post purgationem sui ab una Hæresi la-
 batur in aliam, cum purgans se ab unius Hæresi
 infamacione, non purget se ab omnibus, sicut
 abjurans unam, censetur abjurare omnes, pro quo
 citat Farin. q. 195. num. 30. Paramum de orig. in-
 quisit. L. 5. q. 4. rub. de expedit. process. in causa fidei.
 num. 5.

4. Resp. Ad Tertium tertio. Hæresiarchas &
 Dogmatistas (quales non solum sunt illi, qui er-
 rores invenerunt & confinxerunt, sed ii, qui jam
 inventos & confictos quasi ex officio & consue-
 dine aliis publicè vel occultè prædicarunt, ut Fa-
 rin. q. 179. n. 15. Eymer. l. c. p. 2. q. 39. Suar. ci-
 tat. d. 23. f. 2. n. 11. Castrop. l. c. n. 15. non verò
 ii, qui consanguineos suos, aut unum alterumve
 privatum pervertunt, sine ulla misericordia bra-
 chio sæculari tradendos, eti signa conversionis &
 penitentiae ostendant, defendunt Rojastr. de Ha-
 ret. p. 2. n. 339. assert. 43. Suar. l. c. n. 9. & inter
 alios acris Simancas. de Cath. infit. tit. 47. àn. 50.
 ex ratione, quod in jure civili variis legibus haec
 pena iis statuatur. L. cum qui seruum. C. de Apóst.
 L. quicunque. C. b. t. L. fin. C. de Judeis. juri-
 que civili standum, dum Jure Canonico con-
 trarium statutum non est, & usitatum non sit in
 penis imponendis Jus Canonicum impleri per Jus
 Civile. Et esto in Jure Canonico Hæreticos Pe-
 nitentes admitti ad reconciliationem, id tamen in-
 telligendum de Hæreticis communibus, & non de
 qualificatis, & à communi modo peccandi quoad
 Hæresin exorbitantibus. Quam Sententiam, eti sa-
 tis probabilem dicat Castrop. cit. p. n. 17. Proba-
 biliorem tamen existimat oppositam, sive Hæ-
 resiarchas verè penitentes non esse tradendos bra-
 chio sæculari, sed admittendos ad reconciliationem,
 citatis pro hac sententia Penia. l. c. p. 2. comment.
 64. vers. an auem. Eymer. p. 3. de Octavo modo
 terminandi. process. n. 188. Decian. l. 5. tract. crim.
 c. 45. n. 47. & adductis his rationibus: Quod jure
 Canonico hæc pena illis non statuatur, quin &
 Berengarius, alisque, de quibus constat fuisse Hæ-
 resiarchas, volentes converti, recepti sint ad gre-
 garium Ecclesie, quod leges civiles non habeant in
 hoc crimine locum, ut potè merè Ecclesiastico, nisi
 quando in foro Ecclesie puniuntur, & iudicio sæ-
 culari committuntur judicandi. Limitat nihilominus
 hanc suam sententiam Castrop. l. c. cum Penia,
 l. c. ita, ut Hæresiarchæ admittendi non sint ad
 reconciliationem, sit post longum tempus pluresque
 admonitiones jamjam tradendi Curiæ sæculari pœ-

niteniae signa edunt, quia videntur id agere, non
 amore veritatis & conversionis, sed timore mortis
 instantis. Item, si comminationibus, promissis,
 praemissis, vel aliis exquisitis mediis conati pluribus
 falsam doctrinam persuadere. Item si Regem. Prin-
 cipem aliisque personas principales conati sunt per-
 vertere.

*Quæs. 181. Num Hæretici quoque in
 Germania & Romano Imperio subje-
 cit penis temporalibus & corporali-
 bus hucusque enumeratis?*

Esp. Hæretici laici Lutherani Augustana con-
 fessionis in foro civili dictis penis non subjec-
 tent, utpote qui, eti ab Ecclesia recelerint, vi
 tamen pacis & fœderis publici, nuncupati religiosi,
 à Pontifice non rejecti, sed eo permittente & ta-
 citè consentiente cunctis privilegiis, iuribus, im-
 munitatibus civilibus, non tamen Ecclesiasticis,
 una cum Catholicis pacifice gaudent, praxi con-
 tinua comprobante, Laym. l. 2. tr. l. c. 16. num. 6.
 Pirh. b. 2. n. 83. Wiestn. b. 2. n. 62. Reiffenst. n. 340.
 Dicitur autem primò: *Hæretici laici:* Quia Clerici, si
 quidem in hæresin quamcumque etiam Lutheranam
 lapsi, penis temporalibus & corporalibus, v. g. car-
 ceris perpetui (non item ultimi supplicii) omnino
 subiacent, eisque Judge ab Ecclesiastico executivè
 affici possunt, tum quis quodam personas Ecclesiasti-
 cas Principes Laici per illum publicum tractatum
 nihil validè statuere potuerunt. arg. c. que in Eccle-
 siarum. de constit. cùm leges, statuta, dispositiones
 Laicorum de Ecclesiis vel Ecclesiasticis Personis,
 etiam in favorem eorum factæ, omni valore ca-
 reant. Tum quia Ecclesia quodam personas Eccle-
 siasticas nec tacitè nec expressè fœdus illud religio-
 sum apptobavit eximendo clericos à penis juris,
 imò contrarium hucusque approbavit, & hodie-
 dum practicat; ita Reiffenst. n. 341. Dixi secundò:
Hæreticos Augustana Confessionis; num etiam alterius
 Confessionis & Sectæ Hæretici, v. g. Calvini-
 stæ, Zwingliani, Hugonotæ, &c. sint immunes
 à penis temporalibus & corporalibus, bene dicit du-
 bitari posse Reiffenst. n. 42. eò quod per pacem il-
 lam publicam Passavii conditam, & postmodum
 Augusta confirmatam, soli Hæretici Augustana, &
 non alterius Sectæ, immunes à penis & participes
 iurum & Privilegiorum Catholicorum redditi &
 declarati sint. Neque Hæreticos alterius Sectæ per
 patem Osnabrugensem & Monasteriensem participes
 redditos esse dictorum privilegiorum, sufficien-
 ter ex eo argui videtur, quod pax illa nullo modo ap-
 probata, sed positivè reprobata, annullata & ir-
 rata declarata fuerit per bullam Innocentii X. hujus
 nom. Pontific. 19. incipientem ex zelo domini Dei,
 relatam verbotenus à Reiffenst. h. t. n. 154. quidquid
 sit de eo, quod pax illa in foro civili observeatur,
 an verò vi consuetudinis legitimè proscripta alterius
 Sectæ Hæretici à dictis penis immunes Catholicorum
 privilegios gaudent, resolvete non audet Reiffenst. n. 344. illud tamen tanquam certum
 asserit, non expedire, ut Judge Ecclesiast. istiusmodi
 Hæreticum laicum ob hæresin puniat, eò quod si
 ne publica perturbatione id fieri vix possit.

CAPUT